

# 高氏大譜序

大抵 譜의 制度가 생긴 理由는 오직 慕先之道를 振作케 하며  
敦宗睦族과 系代昭穆을 明瞭케 하는 大義에 있다 하겠다。故로 吾  
姓亦是 始祖乙那君長으로부터 其數不億하고 千枝蕃衍하여 萬波  
로 分流됨에 至하기까지 其代數近於九十餘世인지라 其間 八九  
次나 大譜를 編修했으나 許多한 漏落으로 말미암아 吾族이  
恒常 이를 畏懼히 여기고 있든바 多幸히 지난庚子春에 有志  
宗親諸賢의 大譜編纂에 對한 發議가 坊坊谷谷에 傳播되자 八  
域諸族이 同聲相應하여 大譜에 着手한지 於焉五個星霜의 労苦끝  
에 今日의 編纂完成을 보았음은 오로지 吾族全体의 相互協助  
는勿論이 거니와 實務從事任員諸宗의 不顧家事하여 주신 結晶이  
라 아니할수 없으며 그 功勞에 對하여 再三深甚한 謝意를 表  
하는 바이오며 不肖 淺學菲才함에도 不拘하고 委員長의 重且大  
한 자리를 맡어 全國宗親의 全幅的인 協助아래 偉業完遂에

高  
大  
詩  
首  
卷

大過 없었음을 荣光으로 生覺하며 오직 奉先敦族에 크게 寄與  
되기를 希願함과 同時 畏濫됨을 무릅쓰고 敢히 卷序하는 바  
이다

檀紀四二九七年甲辰十二月 日

文忠公后孫 編纂委員長 秉 幹 識

序世文

瀛洲在全羅道南海中水路九百七十餘里本九韓之一或稱毛羅九韓時創號  
或稱耽羅新羅時所封或稱耽毛羅百濟時所封也亦有泰岳峙其中張左右翼  
如一字橫鋪名曰漢拏山而其雲漢可拏因謂之名此所謂瀛洲地中之神明山  
也太初無人物忽有三神人從地中湧出于漢拏山之北麓廣壤之品字之穴名  
毛興穴三人之出正富九韓之時長曰高乙那次曰良乙那三曰夫乙那狀貌甚  
偉器度寬豁絕無人世之態也皮衣肉食常以游獵爲事不成家業矣一曰登漢  
拏山望見紫泥木函自東海中浮來欲留不去三人相謂曰異哉彼物也降臨就  
開則內有玉函形如鳥卵坼其封隱然羅衣淑女三人年皆十五六容姿脫俗氣  
象窈窕各修飾而坐且持駒犢五穀種出置金塘之岸今朝天館下浦是也三神  
人自賀曰是天必授我三人也語未畢烏巾紅帶青衣使者亦從函中出稽顙再  
拜曰我是東海上碧浪國使者也吾王生此三女年俱壯長而求不得所耦嘗欲  
遺與者歲餘頃者吾王登紫霄閣望氣于西溟則紫氣連空瑞色葱籠中有絕岳  
湧出三人將欲開國各無配偶因此命臣侍三女而送願用伉儷之禮以成大業

也已而忽然乘空而去莫之所之三人則以潔牲告天而年次分麥取泉甘土肥處射矢卜地高乙那所居曰第一都漢拏之北一徒里今濟州也良乙那所居曰第二都漢拏山右翼之南山方里今大靜也夫乙那所居曰第三都漢拏山左翼之南土山里今旌義也自茲以後始成產業植播五穀且牧駒犢日就富庶遂成人境蓋九百年之後三神人各自射石以試勇力高氏爲上良氏爲中夫氏爲下故民心並歸于高氏以高爲君以良爲臣以夫爲民而國號牟毛以其牟穀茂盛之故也始祖高乙那十五世孫號厚孕季兄弟三人造船渡海泊于耽津即今康津蓋新羅盛時也于時客星見于南方太史奏曰異國人來朝之像也俄而厚等至王大喜曰予以否德遽得貴客不亦悅乎以厚爲星主因其動星像也以孕令出袴下愛如己子改名清以季爲徒內失其名職也國號耽羅以其初泊耽津而朝新羅之名南化國也各賜衣冠寶蓋護送南道車騎輜重大屬百里當此之時子孫蕃盛敬事新羅以修藩臣之禮新羅烈宗朝耽羅王高聃遣廣巡使良宕按撫使夫繼良入朝新羅重賞爵祿且賜衣冠改良爲梁改夫爲浮蓋梁浮之姓自此始也耽羅王高聃厚之十二代孫也累世服事新羅爲藩臣聃卒後繼來者曠

世不朝東城王二十一年以耽羅不恭朝貢王於是發憤興師率驃騎親征南塞

至武珍州今光州牧是也聃之十七世孫耽羅南化王昭聞之遣使乞罪乃止其

兵其後又事百濟文周王改星主爲恩率

官品二品

國號耽牟羅至文武王時更封佐

平

官品一品

至高麗太朝統合三韓改定律令以昭之四代孫高自堅還爲星主越三

年遣兵討定耽羅降置郡縣自是高氏后裔通入麗朝累世服爵太祖即位二十

一年耽羅王遣太子末老來朝乃賜星主王子爵肅宗時革爲郡毅宗時降爲縣

末老之子維高麗靖宗乙酉歲首中南省試明年丙戌李作挺榜中以賓貢登第

第三人官至右僕射維生兆基初名唐愈睿宗時登第官至政堂文學叅知政事

進中書侍郎平章吏部事兆基之孫適元宗辛酉登第即入金闈因覲親還鄉其

後屢起兵亂故家國不寧避居林谿故子孫居林谿者亦有之適晦跡山林自足

平生元宗聞其廉直甲午秋使柳希望命遣安車以迎之即拜監察御史蓋昭之

九世孫也自始祖並計則五十代孫也元宗八年神義軍三別抄叛入耽羅國家

濟師討之盡殲然後以高適爲本州留總管特令安集餘民其後元牧子石加界

哨古道等自稱東西哈赤殺害官吏越六年王子文臣輔遣其弟文臣吉以聞洪

武七年即恭愍王二十三年甲寅是也秋八月遣左統使崔瑩討平哈赤收其餘賊沒入于各司奴婢案洪武二十五年壬申李太祖即位五年丙子是也又置牧使建文四年即李太宗二年壬午是也是年冬十月星主高禮鳳王子文忠世等以星主王子之爵似涉僭擬請改之以星主爲尤都知管以王子爲右都知管永樂十四年即太宗十六年丙申從按撫使吳湜議改置三邑曰濟州大靜旌義正統十年即世宗二十七年乙丑又革尤右都知管以邑中有識人高承祖爲三邑都知上鎮撫適之十二代孫也並計始祖則六十一代孫也適生汝霖世在兄弟汝霖官至中書侍郎世在官至吏部尙書適之九世孫臣傑有四子仁鳳義鳳禮鳳智鳳禮鳳有三子曰得侍得傳得信我是智鳳之獨子得宗也不啻獨子抑亦末子之後獨藏族錄於義未安故傳授于四兄弟之行深藏勿失遺後萬世焉

景泰元年庚午正月元日

嘉靖大夫行吏部尙書兼修文殿提學

後孫得宗謹傳

舊甲辰譜序文

古之君子敬其身故尊其所自出故愛其出於所自出者苟吾之所  
自出也雖遠吾何敢不尊也苟其出於所自出也雖衆吾何敢不愛也然苟其遠  
且衆也吾雖欲致其尊而極其愛又何能盡識之而不遺也嗚呼此譜牒之所以

作也春秋之際論人必詳其世類太史公及班史氏欲論次當世賢士大夫必自陳其世德如自序叙傳者皆尊其所自出而譜牒之所由始也及世教衰缺士鮮有知其身之可敬則豈能尊其所自出而至其出於所自出者又何暇論哉以有宋休明之世子程子猶歎其無百年之家況我偏荒文獻又遼於中華者乎近世士大夫稍能留意於譜牒然而鍾鼎貴盛之家尙多有未遑者蓋非力不足也誠有所不及也誠能及之力雖不足亦必成而後已蓋觀於高氏之譜也濟州高氏其姑神明之胄也其肇開鴻濛君長一邦實與羅麗二祖并功匹休及受封於鷄林登仕於勝國簪組蟬嫣盛德重累遂爲望族支庶布濩殆遍東陸可謂盛矣顧輓近以來稍若不振繼冠冕者既不多得姓者又多散落遐遠或邈然不相通知於是高宗子孫相與慨焉顧嘆合議收譜中外諸族皆各以其系取乘而來徵焉遂考其代序明其嗣續又遠稽前史房搜他譜鼻祖以下事業名蹟之可傳者配匹墳墓之可記者亦皆謹書之鳩工募財付諸剞劂將以廣布之意高宗諸子孫俱以弱支綿力出於數十百代之後能追究於數十百代之久博求於數十百派之廣使先系舊德房統別緒一開卷而瞭然其瞭不誠而能爲是乎其有不知敬

其身而能尊其所自出愛其出於所自出若是其誠乎昔蘇老泉序其家譜曰觀是譜者孝悌之心油然而生余且曰有孝悌之心油然後可以成是譜也譜既成鎮厓斗華二高生以主事諸君之意累問序於余蓋以眞望高王母即開城君守謙孫漢良之女世派亦載是譜故也眞望何敢辭抑果竊有感焉高氏諸宗同出耽羅而後來稱貫有二三焉長興氏則蓋以長澤君之後別籍於長而今則還稱舊貫而濟陽伯之移封玉山實在麗朝則其後宜若皆貫于開城而獨開城君以開受爵子孫籍焉餘則仍稱濟州而不改噫必不以也無得以考是可恨也姑茲并及以俟後之博聞君子云爾 時乙巳季秋嘉善大夫前行成均館大司成兼弘文館提學同知春秋館事李眞望謹序

舊甲子譜序文

我東氏族傳之多自勝國始其在三國已前文獻寡而時大闕渺有能徵其世之所出或始徵而中復失傳者亦多矣獨耽羅高氏自三乙邢降精神嶽首闢混濛爲厥初生民之祖凡十五傳而高厚高清兄弟來朝雞林世襲星主之爵又三十世當麗氏統合之初而高自堅遣子入覲遂仕王朝又十五世而入本朝盖自得

姓以來至今二千餘年上下七十有餘世譜錄所紀歷歷可按此東方氏族之所未有也或謂神人降生事近不經而代序之遠而能詳尤不能無疑斯言誠是矣然萬物之始氣化先於形化已有程朱諸夫子之論而鯤卵巨跡雅頌攸叙桓桓檀君羅句始祖之事荒怪譎誕東史是列奚獨於此而疑唐虞三代之系有世本焉其書之謬多見駁於先儒而註六經者莫之或廢爲其傳之久也況高氏世系之傳於雲仍者其來既久而又未有顯然可廢之謬乎高氏舊譜之刻蓋在

英宗元年乙巳太學士陶雲李公爲之序及正廟乙巳甲子一周而因島中人士上言特宣恩額於三乙那之廟親製文以酌之使高氏官從班者將命焉於是高氏諸孫祇感寵典原念本始又以舊譜歷歲已遠人代嬗易不可以不修也逐聚單分帙因舊例而廣之間累年始成至其將付剞劂也謁序於余余惟高氏之先統承神明君牧一邦功德所及可謂盛矣惟其負重溟之阻而處於內附處荒島之僻而勤於北學寔有以著忠順之節變夷昧之陋洎乎版圖歸屬革土司爲流官名駒珍果拜充庭實而高氏裔胄遂入爲大東簪纓之族比之漢宋亦猶河西之竇兩浙之錢矣顧自麗代迄于本朝以文學節義顯者特多幾於世不

絕書是其流風餘澤之所由來固有不可誣者吁其可貴也已余嘗慨近時文勝修譜牒者日盛而故家世族之趾美象賢益以鮮文蓋徒以官閥之華爲尙族黨之衆爲夸而至於祖先之所以致此者則忽焉而不省惟是可謂能知脩譜之本乎今高氏之族其於仕宦聞達雖浸不逮昔而倘使其後人因斯譜之役而深追前徵競自振奮以求其聿修而無忝則向所謂文學也節義也皆其分內事而高氏之盛未艾也其相與勉諸抑余聞之霽峯忠烈公之派在光山者舊譜曾入別編而今又欲各修蓋以中間代序獨有矢傳而未詳而然譜之法與史同傳其信而闕其疑固其所也失傳奚病焉譜所以合其族也既合而復離非修譜之意也盍求所以合之請序者高生益孝尙赫並以諗焉

崇禎紀元后三癸亥九月下浣通政大夫吏曹叅議坡山尹光顏謹書

丁未譜序文

夫尊祖重宗莫善於譜牒繼述先業亦莫大於修輯而年代久遠子姓繁衍則非譜牒難以攷徵非修輯不可昭詳故屢次修刊之役庸何可已乎今按瀛洲高氏爲東方甲乙之族者蓋自始祖至于七十餘代相傳而無替又詳其所自出誠非

他姓能及况德學文雅忠孝節義磊落相望自羅麗入于本朝班班焉有文献之可徵而非直簪組之蟬聯而已必觀於舊序可知己愚何敢贅其說哉其後承升澤光憲元學光允過余而言曰惟吾高姓之爲譜粵自崇禎甲辰以後迄今爲五次之修然大小諸派猶未統合而闕漏者甚多頗有欠於敦親廣仁之義故乃於癸巳合議重刊者事竟旋寢又於癸卯更擬昔日未遂之緒權乎十五卷冊子然亦多見漏故博採諸議竭力鳩財隨續活字印出於清州之大野始克成就積年未遑之事而同載一牒矣譜既竣工而願得一言之繳惠余辭以非其人不敢述立言之文然曩昔肅廟初年乙卯賊黨積鐫當國用事己亥大喪之初以壞禮亂統之說誣及我先祖文正公至有追奪官爵之舉門人高公諱晦爲師上章辨其誣而訟其冤反被遠竄噫其生三事一之誠雖至千載之下必當令人感涕之不禁矣愚於是役豈可庸陋文拙終辭其懇乎且我先王考錦谷先生晚年移寓於錦溪之楸舍鄉中所居之高氏亦多負笈薰陶焉撫念今古誼講百世故略叙譜事兼附私語如右而更有一轉語奉勉者惟我環東土五百餘年文明休治彷彿唐虞猗歟盛矣而挽近以來便化爲腥羈之域士類將不免於禽獸之歸

嗚呼痛哉繼茲今同譜之諸君各相勸勵闡先業叙彝倫敦詩禮明義理兢兢孜孜世守勿墜豈不贊哉靈芝醴泉素有根源則其所傳徵於來後在必當有倍於既往之久遠矣詩云無念爾祖聿修厥德凡譜於斯者恒思無忝相與警飭而勗之哉請以是爲序

聖上即祚四十四年丁未孟春上澣通政大夫原任承政院右副承旨兼叅贊官春秋館修撰官成均館大司成德恩宋鍾奎謹序

新甲子譜序文

高氏我東一家咸籍濟州濟州之譜修之者屢皆派耳間嘗以大譜題目者屢度而未得圓滿如意近抑大同之役役將竣沃溝前監役時豐夏道累踵請不佞弁卷之言按其文獻錄儒林名公之筆誠之詳矣然大同焉今始役發凡起例既博且詳如非若心血誠安能牧惇之若是勇也蓋自耽羅主以下屢千載名臣碩輔可屈指而文獻之徵亦斑斑可考若三朝受教 賦額 御製之文至於碑碣狀誌吟詠之什靡之蒐輯鋟梓可謂善繼善述盡美又盡善矣噫譜卽一家之史文若闕其何异杞宋之不足善乎耽羅氏能抑大同之役寧不爲後承之模楷耶

歲甲子端陽前三日嘉善大夫前香山守海平尹甯求書

戊寅譜序文

老蘇氏譜其族而曰情見於親親盡則情盡余以爲有其親必有其情而謂之親盡者以其無服而言也服雖無而情豈有盡哉然而數其也至於可知而爲幾世之親若其所不知何世則情亦何所見乎嗟夫人之爲譜而能知其始祖者王侯之別子以外果有幾人亦有能傳其世系無一失者歟此爲譜家之所深恨者也今按濟州高氏之譜書其始祖乙那從地湧出之蹟而以漢拏山北有曰毛興穴者徵之又自乙那以下至千七十餘世而能傳其系班班焉何其盛歟高氏舊無譜惟以家乘謹守之至肅宗庚寅始有侍直公倡議諸宗而後譜乃成焉自是歲年寢久派支益繁則輒修之於今爲四修譜而譜工將竣高斯文競濟以其主事諸人之意徵序于余余之高王母即侍直公之從孫女也余雖不文何敢辭其役哉竊念是譜也加於人之譜一等者能詳其所自出而又傳世無缺也自其祖免而至於極遠之親咸得而知之旣知其爲親而情焉有不見者乎然則其情之所油然而出者本乎性之仁而謂之孝弟者也人於高氏觀其譜則可知其人之

自能孝弟而不待加勉也是爲序

上之十有四年龍集丁丑二月中秋憲大夫前行刑曹判書兼知經筵春秋館

事同知成均館事弘文館提學達城徐承輔書



# 高氏大譜卷之一

中始祖一世

自堅王

子末老

子維

子兆基

子挺琥

子適

甲午元年在位五年  
至戊戌冬十二月高  
麗太祖二十一年自  
耽羅國王遣太子末  
老入朝

耽羅太子受麗朝侍郎星  
主王子爵封定濟君使之

世一朝見事載東史

按高麗記麗太祖惠宗定

宗光宗景宗成宗至穆宗

壬寅宋真宗咸平五年耽

羅山開四孔赤水湧出五

目又至宋景德四年丁未

天霧地震七日有山湧出

海中周圍四十里高百餘丈雲暮其上望如石硫黃

文宗十一年丁酉春正月己丑以公爲

色穆宗朝遺博士田秩之

圖形見之謂曰瑞山又至

顯宗壬戌宋真宗乾興元

年令三子烈入朝獻方物

自是歲貢不絕云且

綱時大書耽羅太子末老

入朝云

高麗靖宗乙酉首中南省試丙戌以

賓貢登第三人官至右僕射左拾遺

至文宗朝二十四年夏四月壬申以兵部

侍郎左諫議大夫文正爲西北路兵

馬副使私書少監東北路兵馬副使

事載麗史世家同二十五年十月秘

書少監高維取七十五人遷舉二科

目官至右僕射門下侍中高氏筮仕

王國自公始事載東史及輿誌勝覽

仁宗朝八年庚戌夏四月拜侍御使與

睿宗初登第出守南州清白奉公至

知御臺事李周衍中丞任元濬雜端

皇甫讓侍御使文公元等上疏言時

弊王只從二三事秋七月左遷爲工

部員外郎

毅宗朝拜吏部尚書門下侍中封三城

君毅宗朝癸巳乞退還鄉事載耽羅誌公

之官職門下侍中封三城君依其萬

庾弼取進士柳廷堅等二十五人賜

及第同年己巳夏四月拜中書侍

郎平章事秋七月丙申又宴平章事

高兆基等于清謙閣八月癸酉引見

平章事高兆基御史大夫公元中

書舍人王斌左承宣鄭襲明置酒論

國事遂御西樓觀翫球十二月判吏

部事壬申仍令判尚書吏部事四年

庚午十二月權判兵部事平章事判

吏部事叅知政事同五年辛未三月

拜中軍兵馬判事兼西北面兵馬判

事壬申八月拜判吏部事癸酉十二月

日判吏部事同十一年丁丑二月拜

中書侍郎平章事致仕卒輟朝三日

命有司護喪

論文敬公出麗史

志卷第十八禮六凶禮諸臣喪

仁正資朝侍御史李資謙修弘慶院以僧

州縣爲害甚巨資謙敗資富坐配島

惟奉佑素結宦官僥倖復職公上疏

見下

耽羅太子受麗朝侍郎星  
主王子爵封定濟君使之

賓貢登第三人官至右僕射左拾遺

初諱唐愈性慷慨涉獵書史尤工五  
言詩

史云職綴三品

文科監察御使

見下

三

四

五

子誠明

子瑛

見下